

Bosna i Hercegovina
Federacija Bosne i Hercegovine
KANTON SARAJEVO
Ministarstvo komunalne privrede,
infrastrukture, prostornog uređenja,
građenja i zaštite okoliša



Босна и Херцеговина
Федерација Босне и Херцеговине
КАНТОН САРАЈЕВО
Министарство комуналне привреде,
инфраструктуре, просторног уређења,
грађења и заштите околиша

Bosnia and Herzegovina
Federation of Bosnia and Herzegovina
CANTON SARAJEVO
Ministry of Communal Economy, Infrastructure, Physical
Planning, Construction and Environmental Protection

Broj: 05-04-42543-58/23
Sarajevo, 29.11.2023. godine

Skupština Kantona Sarajevo
n/r Predsjedavajući Skupštine Kantona Sarajevo

Predmet: Odgovor na zastupničku inicijativu zastupnice Mersihe Mehmedagić, dostavlja se, -
Veza: Vaš akt broj: 01-04-42543-58/23 od 11.10.2023. godine

Poštovani,

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo je 17.10.2023. godine na nadležno postupanje zaprimilo Vaš akt broj: 01-04-42543-58/23 sa prilogom zastupničkog pitanja zastupnice Mersihe Mehmedagić.

Zastupnica Mersiha Mehmedagić je u skladu sa članom 213. stav (1) Poslovnika Skupštine Kantona Sarajevo ("Službene novine Kantona Sarajevo", broj: 41/12 Drugi Novi prečišćeni tekst. 15/13, 47/13, 47/15, 48/16, 9/20, 14/20, 16/22 i 17/22 Ispravka), na Devetoj radnoj sjednici Skupštine Kantona Sarajevo održane 03.10.2023. godine, u okviru tačke Dnevnog reda "Poslanička / zastupnička pitanja, inicijative i odgovori" uputila zastupničku inicijativu, koja glasi:

Na osnovu informacija od građana Općine Trnovo da se izvode radovi kaptiranja jednog od izvorišta Bijele Rijeke (tzv. Šofersko vrelo) tražim od Kantonalne uprave za inspeksijske poslove da hitno izvrše inspeksijski nadzor, kako na lokaciji samog potencijalnog vodovoda, tako i u Općini Trnovo i Javnom kantonalnom preduzeću "Trnovo" d.o.o. Trnovo i utvrde da li se izvode radovi, na osnovu koje dokumentacije i da li je potencijalni projekat u skladu sa odnosnim pozitivnim propisima.

Tražim od Ministarstva privrede i Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo da se, svako iz svoje nadležnosti očituje po pitanju navedenih radova po saznanju o činjeničnom stanju.

S obzirom da je krajem 80-ih bila projektovana akumulacija "Bijela Rijeka" radi dugoročnog rješavanja vodosnabdjevanja Sarajeva, tražim da se utvrdi za čije potrebe se sada radi ovaj vodovod i da li će građani Sarajeva i lokalno stanovništvo biti ugroženi zbog ovog projekta.



16
806
PB. 186

Odgovor

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo je u vezi ove zastupničke inicijative dana 02.11.2023.godine zaprimilo informaciju Općine Trnovo, akt broj: 02/2-19-4319/23 od 30.10.2023.godine, koju Vam dostavljamo u prilogu.

Programom utroška sredstava prikupljenih po osnovu vodnih naknada Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo za 2023. godinu, usvojenog Odlukom od strane Vlade Kantona Sarajevo broj: 02-04-19964-5/23 od 11.05.2023. godine, zaključen je Sporazum o sufinansiranju projekata iz Budžeta Kantona Sarajevo za 2023. godinu od namjenskih sredstava - vodne naknade na području Općine Trnovo. Spomenuti Sporazum, broj: 05-21-20979/23, potpisan je 16.05.2023. godine, u saradnji Ministarstva, Općine Trnovo i Zavoda za izgradnju Kantona Sarajevo. Jedan od sufinansiranih projekata je "Izgradnja vodovoda Pandurica - Proskok", za koji je Ministarstvo obezbijedilo sufinansiranje u iznosu od 400.000,00 KM. Tokom terenske posjete dana 13.10.2023. godine, predstavnici Ministarstva, uz prisustvo predstavnika Općine Trnovo, Zavoda za izgradnju Kantona Sarajevo i izvođača, utvrdili su da je u toku izvođenje radova na polaganju cjevovoda na predmetnoj lokaciji.

S poštovanjem.



~~MINISTAR~~

Bojan Bosnjak

Prilozi: navedeni.

Dostaviti:

1. Naslovu.
2. Predsjedavajućem Skupštine Kantona Sarajevo.
- ③ Stručnoj službi Vlade Kantona Sarajevo.
4. Služba za skupštinske poslove + CD.
5. Evidencija.
6. Arhiva.

Pripremila: Jasmina Stevanović 
Kontrolisali: Dževad Čeljo 
Muhamed Bekto 